



Broj: 05/1-50-13-26-37-3/17
Sarajevo, 16.10.2017.

ZAPISNIK

37. sjednice Nezavisnog odbora Parlamentarne skupštine BiH

Sjednica je održana 16.10.2017., s početkom u 17 sati.

Sjednicu je sazvala Tatjana Klječanin-Martić, predsjednica Nezavisnog odbora.

PRISUTNI ČLANOVI NEZAVISNOG ODBORA: Tatjana Klječanin-Martić, predsjednica Nezavisnog odbora, Enes Obralića, prvi zamjenik predsjednika Nezavisnog odbora, Mato Jozić, drugi zamjenik predsjednika Nezavisnog odbora, Ilma Mehić-Jusufović, Adisa Begić, Nikola Džambas, Mate Miletić, Ljubomir Kuravica i Vladimir Jurišić, članovi Nezavisnog odbora.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednici su prisustvovali i Perica Stanić, direktor Državne agencije za istrage i zaštitu, te Đuro Knežević, zamjenik direktora Državne agencije za istrage i zaštitu.

Sjednicu su pratili i Zoran Brkić iz Sektora za odnose s javnošću Sekretarijata Parlamentarne skupštine BiH te Dijana Šatara i Senad Zlatar, predstavnici OHR-a.

Sjednicom je predsjedavala Tatjana Klječanin-Martić, predsjednica Nezavisnog odbora.

Konstatirajući da postoji kvorum za rad, otvorila je 37. sjednicu Nezavisnog odbora Parlamentarne skupštine BiH.

Nezavisni odbor jednoglasno je usvojio sljedeći:

DNEVNI RED

1. Usvajanje Zapisnika 36. sjednice Nezavisnog odbora;
2. Informacija o aktuelnom stanju u odnosima Državne agencije za istrage i zaštitu i Tužilaštva BiH;

3. Informacija Direkcije za koordinaciju policijskih tijela BiH, broj: 20-02/1-07-6-614-13/17, od 19.9.2017., a zaprimljena u Pisarnici Parlamentarne skupštine BiH 20.9.2017., broj: 05/1-50-17-2268/17;
4. Izjašnjavanje o prijedlozima članova Nezavisnog odbora s 36. sjednice Nezavisnog odbora;
5. Tekuća pitanja.

Ad.1. Usvajanje Zapisnika 36. sjednice Nezavisnog odbora

Zapisnik 36. sjednice Nezavisnog odbora jednoglasno je usvojen, bez primjedbi.

Ad.2. Informacija o aktuelnom stanju u odnosima Državne agencije za istrage i zaštitu i Tužilaštva BiH

U okviru ove tačke dnevnog reda, u skladu s dogovorom članova Nezavisnog odbora s protekle 36. sjednice, na sjednicu su pozvani direktor Državne agencije za istrage i zaštitu Perica Stanić i zamjenik direktora Državne agencije za istrage i zaštitu Đuro Knežević, kako bi članove Nezavisnog odbora informirali o aktuelnom stanju u odnosima Državne agencije za istrage i zaštitu i Tužilaštva BiH.

Nakon izlaganja rukovodstva Državne agencije za istrage i zaštitu i odgovora na pitanja koja su postavili članovi Nezavisnog odbora, otvorena je rasprava o ovom pitanju, nakon koje su jednoglasno doneseni sljedeći

ZAKLJUČCI

1. Nezavisni odbor primio je k znanju usmenu informaciju Državne agencije za istrage i zaštitu o aktuelnom stanju u odnosima Državne agencije za istrage i zaštitu i Tužilaštva BiH.
2. Nezavisni odbor pruža punu podršku u radu rukovodstvu Državne agencije za istrage i zaštitu.

Ad.3. Informacija Direkcije za koordinaciju policijskih tijela BiH, broj: 20-02/1-07-6-614-13/17, od 19.9.2017., a zaprimljeno u Pisarnici Parlamentarne skupštine BiH 20.9.2017., broj: 05/1-50-17-2268/17

U uvodu u ovu tačku dnevnog reda predsjednica Nezavisnog odbora Tatjana Klječanin-Martić istakla je da je Nezavisni odbor zaprimio informaciju Direkcije za koordinaciju policijskih tijela BiH kojom obavještavaju ovo tijelo o mjerama i radnjama koje su povodom prijave policijskog službenika protiv zamjenika direktora Direkcije za koordinaciju policijskih tijela BiH Uroša Pene preduzete s ciljem utvrđivanja navoda i dokumentiranja eventualne povrede službene dužnosti.

Napomenula je da su svi članovi Nezavisnog odbora dobili materijale u vezi s ovom tačkom dnevnog reda, odnosno priloge koji su dostavljeni uz predmetnu informaciju, te otvorila raspravu. Nakon rasprave, u kojoj je učestvovala većina članova Nezavisnog odbora, jednoglasno je donesen sljedeći

ZAKLJUČAK

Potrebno je na 38. sjednicu Nezavisnog odbora Parlamentarne skupštine BiH pozvati direktora Direkcije za koordinaciju policijskih tijela BiH Mirsada Vilića i zamjenika direktora Direkcije za koordinaciju policijskih tijela BiH Uroša Penu radi razmatranja okolnosti iz Informacije Direkcije za koordinaciju policijskih tijela, broj: 20-02/1-07-6-614-13/17, od 19.9.2017., zaprimljene u Pisarnici Parlamentarne skupštine BiH 20.9.2017., broj: 05/1-50-17-2268/17.

Ad.4. Izjašnjavanje o prijedlozima članova Nezavisnog odbora s 36. sjednice Nezavisnog odbora

Predsjednica Nezavisnog odbora Tatjana Klječanin-Martić je u uvodu istakla da je na protekloj, 36. sjednici Nezavisnog odbora jednoglasno odlučeno da će se članovi Nezavisnog odbora na narednoj, odnosno na jednoj od narednih sjednica, izjasniti o prijedlozima koje su iznijeli članovi Ljubomir Kuravica i Vladimir Jurišić, te otvorila raspravu.

Za riječ se javio Ljubomir Kuravica čiji je prijedlog bio da se na jednoj od narednih sjednica razmotri pitanje primjene člana 5. stav (2) Zakona o Direkciji za koordinaciju policijskih tijela BiH i agencijama za podršku policijskoj strukturi BiH, kao i dato mišljenje Direkcije za

koordinaciju policijskih tijela BiH, te istakao da povlači svoj prijedlog u ovom obliku. Također, istakao je da se ovo pitanje treba razmatrati u narednom periodu, ali u preformuliranom obliku.

Dalje, za riječ se javio Vladimir Jurišić čiji je prijedlog bio da se uputi dopis policijskim agencijama koje su u nadležnosti Nezavisnog odbora i zatraži informacija o tome koliko direktori i zamjenici direktora imaju radnog staža, te da li je neko od spomenutih ispunio uslove za penziju. Istakao je i prijedlog dopune tog dopisa s upitom o isteku mandata rukovodiocima i zamjenicima rukovodilaca policijskih agencija.

O ovom pitanju otvorena je rasprava u kojoj je učestvovala većina članova Nezavisnog odbora nakon koje su jednoglasno donijeli sljedeći

ZAKLJUČAK

Nezavisni odbor traži od rukovodilaca Direkcije za koordinaciju policijskih tijela BiH, Državne agencije za istrage i zaštitu i Granične policije BiH informaciju o isteku mandata rukovodilaca i zamjenika rukovodilaca ovih policijskih tijela i podatke o eventualnom ispunjavanju uslova za odlazak u penziju.

Ad.5. Tekuća pitanja

U okviru ove tačke dnevnog reda predsjednica Nezavisnog odbora Tatjana Klječanin-Martić predložila je da se razmotri molba Feđe Malinovića koja je Nezavisnom odboru pristigla putem e-maila, a koja se odnosi na mogućnost stažiranja ili volontiranja u Nezavisnom odboru, te otvorila raspravu. Za riječ se javio Enes Obralića, prvi zamjenik predsjednice, koji je predložio donošenje sljedećeg **zaključka**: „Predsjednica Nezavisnog odbora u saradnji sa sekretarom Nezavisnog odbora sačinit će dopis u kojem će obavijestiti Feđu Malinovića da Nezavisni odbor nije u mogućnosti osigurati stažiranje ili volontiranje u ovom tijelu.“

Ovaj zaključak jednoglasno je usvojen.

Dalje, u sklopu ove tačke dnevnog reda za riječ se javio Mate Miletić koji je istakao problem kadrovske popunjenosti, s naglaskom na nacionalnu strukturu u Državnoj agenciji za istrage i zaštitu. Istakao je kako su posljednjim činovanjem policijskih službenika u čin glavnog inspektora unaprijeđena dva Bošnjaka i jedan Srbin, a ni jedan Hrvat. Također je istakao da

su po sadašnjem stanju u Kriminalističko-istražnom odjelu, kao jednom od najznačajnijih odjela u Državnoj agenciji za istrage i zaštitu BiH, popunjene 4 bošnjačke, 2 srpske a niti jedna hrvatska pozicija.

U vezi s tim, otvorena je rasprava nakon koje su članovi Nezavisnog odbora jednoglasno donijeli sljedeći

ZAKLJUČAK

Potrebno je uputiti dopis Direkciji za koordinaciju policijskih tijela BiH, Državnoj agenciji za istrage i zaštitu i Graničnoj policiji BiH da Nezavisnom odboru dostave tabelarni prikaz o nacionalnoj zastupljenosti policijskih službenika po organizacionim jedinicama i činovima u tim policijskim agencijama i procentom zastupljenosti konstitutivnih naroda i ostalih.

Dalje, članovi Nezavisnog odbora dogovorili su da će na narednoj sjednici odrediti timove za posjete policijskim agencijama, kao i za sastanak s ministrom sigurnosti BiH, a što je u skladu s Planom i programom Nezavisnog odbora za 2017. godinu.

Članovi Nezavisnog odbora su se, također, dogovorili da se naredna sjednica Nezavisnog odbora održi 13.11.2017. u 17 sati.

Predsjednica Nezavisnog odbora Tatjana Klječanin-Martić zaključila je sjednicu u 18,50 sati.

SEKRETAR
NEZAVISNOG ODBORA

Ivana Lovrić

PREDSJEDNICA
NEZAVISNOG ODBORA

Tatjana Klječanin-Martić